



Fundargerð

13. fundur stjórnar Ríkarðshúss

Fundur var haldinn í stjórn Ríkarðshúss miðvikudaginn 18. október 2023 kl. 14:00. Fundað var um fjarfundabúnað (Teams). Fundinn sátu Gauti Jóhannesson, Már Guðlaugsson, Björn Másson og Kristján Ingimarsson. Guðný Lára Guðnýjardóttir boðaði forföll. Gauti stjórnaði fundi og ritaði fundargerð. Gestur fundarins voru Jóhannes Albert Sævarsson hrl.

Dagskrá var eftirfarandi:

1. Breytingar á stjórn
2. Fjármál og gjafir til Ríkarðshúss
3. Önnur mál

Í upphafi fundar, áður en gengið var til dagskrár, minntist formaður stjórnar Ásdísar Ríkarðsdóttur.

1. Breytingar á stjórn

Björn Másson kynnti á síðasta fundi þá ákvörðun sína að láta af stjórnarsetu. Fyrir liggur tillaga frá MG um að Sólrún Una Þorláksdóttir taki sæti hans. Samþykkt samhljóða.

2. Fjármál og gjafir til Ríkarðshúss

Í ljósi andláts Ásdísar Elísabetar Ríkarðsdóttur felur stjórn Ríkarðshúss Jóhannesi Albert Sævarssyni lögmanni umboð í samræmi við 2. mgr. 12. gr. laga nr. 20/1991 um skipti á dánarbúum o.fl. til að koma fram fyrir hönd Ríkarðshúss við skipti á dánarbúi Ásdísar. Það felur m.a. í sér að lögmaðurinn afli upplýsinga og gagna hjá sýslumanninum á höfuðborgarsvæðinu um þá gjöf/arf sem Ásdís Elísabet ánafnaði Ríkarðshúsi í lifanda lífi með gjafaloforði og/eða erfðaskrá. Einnig að gera þær nauðsynlegu ráðstafanir til að koma þeirri gjöf/arfi í hendur Ríkarðshúss. Samþykkt samhljóða.

3. Önnur mál

Geymsluaðstaða: MG og BM gerðu grein fyrir stöðunni varðandi mögulegt geymslurými fyrir muni safnsins og teikningar. Erfitt reynist að finna heppilegt geymslupláss en áfram verður unnið að málinu.

Fleira ekki rætt og fundi slitið kl. 14:35.